

UTOM EMI EDỌNDE EZEKIEL

Ezekiel 1:1-10; 3:1-27.

ỌYỌHỌ UKPEP-ŃKPO 407

Eke Ikpọ Owo

IKỌ IBUOT: “Ke adaña emi ndọhọde idiọk owo, nte, Afo udutreke ndikpa: ndien afo mutemeke enye, munyuñ udọhọke, man ọnọ idiọk owo item, ete enye ọkpọñ idiọk usuñ esie man onim enye uwem: enye idiọk owo oro eyekpa ke mme idiọk ido esie; ndien nyekpak iyip esie ke ubọk fo” (Ezekiel 3:18).

I Utom Emi Edọnde Ezekiel

Enọ nnyin ini ye ebiet emi Abasi akayarade ńkpọ ọnọ anditiñ ntiñ-nnim ikọ, Ezekiel 1:1-3; Daniel 8:1, 2; Matthew 3: 16; Utom Mme Apostle 7:56.

Enam Ezekiel enyene ńkukut ńkpọ uwem inañ ye mme mkpọnọ, Ezekiel 1:4-18; Eriyarare 4:6-8.

Spirit emi okodude ke mme ńkpọ uwem emi akanam mmọ esaña, ndien uyom mba mmọ ekebiet uyom Ata Ọkposọñ Abasi, Ezekiel 1:19-25; 10:17.

Ezekiel okokut ebekpo ye mbiet ubọñ Abasi nte ekanarede enye ekuk, Ezekiel 1:26-28; Isaiah 6:1; Daniel 7:9.

II Edọn Etiene Idut Nsọñ-Ibuot

Ekedọn Ezekiel etiene nditọ ntañ-mfep, me mmọ eyekop me idikopke, Ezekiel 2:1-5; I Samuel 8:7; Isaiah 48:4; Jeremiah 5:3; Utom Mme Apostle 13:46.

Enye ikenyeneke ndifehe ikọ me iso mmọ, Ezekiel 2:6-8; Isaiah 41:10; 51:12; Jeremiah 1:17.

Ema enọ enye ikpa-ńwede emi ewetde ntuaña ye eseme ke esit ye edem, Ezekiel 2:9, 10.

III Edidia Ye Edikwọrọ Ikọ Abasi

Ezekiel ama adia ikpa-ńwede, enyuñ enam enye edi andikpeme ufọk Israel, Ezekiel 3:1-17; Psalm 119:103; Jeremiah 15:16; Eriyarare 10:9.

Ema eduri enye utọñ ke abaña akpan ńkpọ emi odude ke ndidi eti andikpeme, Ezekiel 3:18-21; 33:6; John 8:21, 24.

Ema enọ enye ńkukut efen emi abanade ubọñ Abasi, Ezekiel 3:22-27; 24:27; 33:22; Luke 1:20-22.

SE EKPEPDE EBAÑA

Ekot Ezekiel “Ekpeme-erọñ Mbon Ntañ-mfep”

Ekemen Ezekiel eka Babylon ke ntañ-mfep ọyọhọ ikaba emi Nebuchadnezzar akanamde. Daniel okodu ke otu akpa mbon ntañ-mfep emi ekemende eka Babylon isua itiaita mbemiso ekemum Ezekiel. Ezekiel okodu ke ukem ini emi Jeremiah ye Daniel ekedude. Jeremiah ama etetiñ ntiñ-nnim-ikọ ke ńkpọ nte isua 34 mbemiso ekot Ezekiel esin ke utom utiñ ntiñ-nnim-ikọ Ezekiel ekedi eyen oku, ekeme ndidi enye ama esinam ndusuk utom oku ke idem esie mbemiso emum enye eka Babylon.

Enye ama odu ke Babylon isua 5 mbemiso Abasi owut enye idem usen kiet ke mben inyañ Chebar onyuñ ọnọ enye ńkukut edisana ubọñ Abasi. Enye ama aka iso etiñ ntiñ-nnim-ikọ ke ńkpọ nte isua 22. Ediwak ntiñ-nnim-ikọ esie ema enyene se edade enọ, edi ikọ esie ekedi ata iñwañ-iñwañ.

Sia enye akawakde ndidu ke ufọk-Abasi ke Jerusalem, ndusuk enye ama esikop ediwak ntiñ-nnim-ikọ Jeremiah. Ndusuk emi ama enyene itie ke ntọñọ uwem esie, Ezekiel ama etetiñ ntiñ-nnim-ikọ ke Babylon ke isua itiokiet mbemiso Jerusalem ọduọ.

Ke ukem ini ntem, Jeremiah ama odomo ofuri ukeme esie nditiñ ye ikọt esie ke Jerusalem onyuñ ekpe mmọ ubọk ete ekuka ekọñ ye udim ekọñ Chaldee. Ke utọñ nditọ ete esie eketie nte enye ọdọñ

mmọ esọn ibuot ye ukara idut mmọ. Ke otu mmọ emi mifiokke Abasi, uyo Abasi emi etiñde ebe ke mme asaña-utom Esie isinyeneke inem ndien ediwak ini esidemere nsọn-ibuot.

Utom Emi Edọñde Ezekiel

Ezekiel ama enyene mfọn oto n̄wọronda n̄kukut edisana ubọn Abasi, ke ini emi enye ọkọbode utom esie ndida etop Abasi nsọk ọsọn-ibuot ufọk Israel. Enye etiñ ete ke ema eberede Heaven ndien imọ ikut n̄kukut Abasi ye mme idiọnọ n̄kpọ ubọn emi ewutde ubọn Abasi.

Ke ini mme n̄kpọ uwem emi ekesañade, uyom mba mmọ ekebiet uyo Ata Ọkpọsọn Abasi. Ke ikpa enyọn emi okodorode ke enyọn mmọ, mbiet ebekpo ama odu ndien ke ebekpo oro mbiet owo ama onyuñ odu. Nte owo emi akada ọnọ Enye emi ekenyenede ndidi man ada ubọk kiet omum anam idiok onyuñ ada eken omum Abasi mbom, ndien ada mmọ adian ọtọ kiet man etie ke emem? Ikañ ama odu akanare Enye emi eketiede ke ebekpo okuk. Ikañ ada ọnọ ubierikpe. Edi se ikande kpukpru oro ekedi akpara emi esikutde ke enyọn ke usen edim. Akpara eñwọnọ ama ọkọnọ ntre nte ọfọn etak ubom ke ebekpo ubọn emi nte ediomi emem. Ke esiode akpatre ubierikpe efep, inyeneke baba ubierikpe kiet emi akanam etiñde ebaña emi n̄ko misañake ye eñwọnọ emem ye idorenyin inọ mmọ emi edikopde ntọt oro, ndien eyom iso Abasi. Ke ini akwa iyaresit, Abasi eteti mbom. Ata akpatre uduak Abasi edi ndinyaña uwem owo idighe ndibiat mmọ.

Edidia Ikpa-Ñwed

Ema eyak ikpa-ñwed emi ekewetde ke iso ye ke edem emi ọkọyọhọde ye eseme ye isuñi enọ Ezekiel. Ema edọhọ Ezekiel ete adia ikpa-ñwed oro. Abasi okoyom enye eneñere oyọhọ ye etop emi enye ekenyenede ndikama.

Man otodo ọkwọrọ-ikọ eneñede ọkwọrọ Ikọ Abasi, ọfọn enye enyene nditim mfiok etop emi enye enyenede ndikwọrọ. “Sin ifik wut Abasi idem fo, ete idi owo eke edomode ediok, anam-utom eke minyeneke ntak ndikop but, edi itimde isiak ikọ akpanikọ” (2 Ñwed Timothy 2:15).

Ikpa-ñwed emi, mme etop emi, eketiñ abaña ubierikpe Abasi ke abaña idiok-n̄kpọ. Idighe mmem-mmem n̄kpọ ndisian mme ubierikpe Abasi. Ubak ini esida ata ndot-ndot ukọbọ etiene asuan etop oro. Oro edi ntak emi ediwak mme ọkwọrọ-ikọ ekwọrọde “ima” Abasi ikpọn. Edi mmem-mmem usuñ onyuñ enem mme owo ke utọn. Itimekede mmọ ke idap Spirit mmọ. Edi Abasi edi Abasi emi ọnọde ubierikpe ukem-ukem nte Abasi ima ye mbom.

Unana Esit-Ekọm

Akananam iduhe mme owo emi ekenyenede mfọniso nte nditọ Israel ndien akananam inyuñ iduhe mme owo emi enanade esit ekọm nte mmọ. Ini kiet ko ubọn Abasi ama ayama ke ofuri esien Israel ebe osim kpukpru idut ererimbot. Iduhe idut efen emi ekenyenede edidiọn Abasi ekan Israel ke ini ukara Solomon, edi idiok-n̄kpọ ye ntut-utọn ema esuhọre enye ke ata n̄kokoñ ebiet ubọn tutu okosim usuhọre itie ufiñ. Nso utọ iduọ! “Nti ido efori obio edi idiok ido esin obio enyene but” (Mme Ñke 14:34). Iduhe ukpọn emi odude ke ata idiok itie onyuñ enyenede mbom nte enye emi ama ọkofiok Abasi ini kiet ko ndien afiak edem.

Mbon Nsọn-Ibuot

Ezekiel ama enyene mme nti uduot oro, emi ekemede ndinam owo edi owo uko ọnọ Abasi. Ekedọn enye etiene mbon nsọn-ibuot. Abasi ama ọdọhọ enye ete okufehe ndik ke ikọ mmọ, mme ndinyek idem ke iso mmọ. Ke mmọ ekopde ye mikopke, enye ekenyene ndikwọrọ ikọ Abasi. Paul ama ọnọ Timothy item ete: “Kwọrọ ikọ Abasi; sin ifik nam emi, ke edide ekem ini ye ke minyuñ idighe ekem ini; wut mme owo ndudue mmọ, sua nọ mmọ, kpe ye mmọ; saña ye ofuri ime ye erikpep nam utom emi” (2 Ñwed Timothy 4:2). Okposuk edi nte mmọ midikopke, mmọ idikemeke ndinọ mfaña unana edifiok mmọ ke usen ikpe.

Andikpeme

Ema enam Ezekiel andikpeme ufọk Israel. Utom andikpeme edi nditọt mme owo mbaña n̄kpọ ndik emi edidide. Israel ema eyo, eyom usuñ ekpọn otu. Anditiñ-ntiñ nim-ikọ Jeremiah ọkọdọhọ ete, “Emeda ntañwed ukuak ye iso diamond ewet idiok ido Judah” (Jeremiah 17:1). “Ekuyak

ebiaña mbufo; owo ikemeke ndibiaña Abasi: se ededi owo ọtode, oro ke enye edinyuñ ọdọk (Nwedi Mbon Galatia 6:7). Israel ke ededọk idaha emi se mmọ eketode ke ediwak isua. Mmọ ekedi ifin ke esen idut. Ema ewuri mme ibibene ediye obio mmọ, Jerusalem. Ema ebiat nsọñ-urua Itie-ukpono Abasi mmọ. Mme idiok-ńkpọ mmọ ema ediañare mmọ ekpọñ Abasi mmọ. idighe akani idiok-ńkpọ mmọ ikpọñ ikpọñ, edi mbufa idiok-ńkpọ mmọ ema enam Abasi odip mmọ iso Esie. Mmọ ekasuk edi mme ọsọñ obot itọñ ye mbon nsọñ-ibuot. Mmọ ema efre Abasi.

Utom

Utom edinọ Israel ntọt okodoro Ezekiel ke idem. Edi utom mme andikpeme emi Abasi onimde ndinọ mme idiok owo ntọt mfin. Mme ikañ-ikañ ọkwọrọ-ikọ oro, emi ini kiet ko ekenode ntọt ete ke ikañ – hell ye itiat kebet mmọ emi mibakke Abasi edu mmọñ? “Nsinsi ubọhọ” edi mfiori emi mme anam utom okuk eyo mfin efioride. Ekop mi se itode mkpọk inua Ata Ọkpọsọñ Abasi: “Ndien ke adañemi eti owo akabarede ọkpọñ eti ido esie, onyuñ anamde ukwañ-ńkpọ ndien ami nda ńkpọ iduọ nnim enye ke iso, enye eyekpa: koro afo munọñọ enye item, enye eyekpa ke idiok ido esie, ndien iditihedi edinen ido eke enye akanamde: ndien nyekpak iyip esie ke ubọk fo”.

Ke itie ukwọrọ Ikọ Abasi, ke ufọk emi ewetde mme n̄wed ńkpọ-ntibe, ke ofum, ekpere ndidi ke mbahare ererimbot kiet ke itie inañ owo osuk okop inem ikọ emi, “nsinsi ubọhọ”. Owo ekeme ndinyene nsinsi ubọhọ edieke enye asañade ke nsuk-ibuot ọnọ mme ewuhọ Abasi, edi edieke enye akabarede ọkpọñ mbuotidem, enye idighe aba eyen Abasi inyuñ inyeneke unen ke nsinsi uwem. Ke ubọk mme anie ke edibup iyip mmọ emi ebiañade? Ema enam mmọ enim ke akpanikọ ete edieke ema ekenyaña mmọ ini kiet mmọ ikemeke-keme aba nditak, ke ini Ikọ Abasi ama eketiñ iñwañ-iñwañ ete “mmọ eke esit mmọ asanade” ikpọñ edikut Abasi. Abasi osuk enyenyene mme “Ezekiel” anam akpanikọ emi esuk enode mme idiok owo ntọt ebaña mme idiok usuñ mmọ enyuñ etiñ ete ke usen emi edinen owo anamde idiok enye enyene ndikpa.

MME MBUME

1. Ezekiel okodu ke mmọñ ke ini Abasi ọkọdọñde enye utom?
2. Nso ikedi n̄ke emi Nditọ Israel ekedikede?
3. Tiñ nte n̄kukut emi Ezekiel okokutde eketiede.
4. Nso ikedi n̄tak emi ekedọhọde Ezekiel adia ikpa-n̄wed oro?
5. Nso idi utom andikpeme?
6. Nso ke Abasi etiñ abaña edinen owo ke usen emi enye eduede?
7. Nso ke Abasi etiñ abaña idiok owo ke usen emi enye akabarede ọkpọñ mme idiok-ńkpọ esie?